

Ditshebeletso tsa Lekgetho tsa Afrika Borwa
Tjhata ya Tshebeletso







Sesotho

 **SARS**

South African Revenue Service



Boitlamo ba SARS, Ditokelo tsa hao, Maitlamo le Maemo a lebelletsweng a Tshebeleletso



*Moo ho sa hlakang ka hara tjhata ena hore ha ho buuwa ka bolaodi ba meedi le tsa dihlahiswa tsa naha, ka bolaodi ba meedi le dihlahiswa tsa naha ho lokela ho nkuwa hore ho buuwa ka mokgwatshebetso wa Lekgetho mme ona o lokela ho nkuwa e le o akaretsang. Ka "Letsatsi la Kgwebo" ho buuwa ka letsatsi leo e seng Moqebelo kapa letsatsi la phomolo. Nako e dumalletsweng ya ho ikobela dipehelo tse mabapi le tharollo ya kganyetsano, ha e akaretse matsatsi a pakeng tsa la 16 Tshitwate seleme ka sing le la 15 Pherekgong la selemo se latelang, matsatsi ana ka bobedi a akareditswe.



Disclaimer:

This Charter (including any time periods stipulated herein) is subject to any applicable Act of Parliament. Should any aspect of this Charter be in conflict with the applicable legislation, the applicable legislation will take precedence.



Selelekela

THOMO YA SARS E FUMANWA HO TSWA HO MOLAO WA SARS (Nomoro ya 34 wa 1997)

Ho etsa hore ho be le taolo e sebetsang ka ho phethahala ya mokgwatshebetso wa pokello ya lekgetho Afrika Borwa.

- Ho bokellwa makgetho ohle a kolotwang
- Ho nnetefatsa boikobelo bo matla ba melao ya lekgetho, ya bolaodi ba meedi mmoho le ya dihlahiswa tsa naha.
- Ho fana ka tshebeletso ya bolaodi ba meedi e ntlatfatsang pokello ya lekgetho, tshireletso ya madiboho le ho bebofatsa tsa kgwebisano

SARS e laolwa ke molao mme e bile e phethahatsa molao, mme sena se akaretsa, empa ha se felle ho tseña tse laelang:

- Molao wa Motheo wa Rephablike ya Afrika Borwa, Molao wa 108, 1996
- Molao wa Botsamaisi ba Ditjhelete tsa Setjhaba wa 1 wa 1999
- Molao wa Lekgetho la Lekeno, wa 1962
- Molao wa Bolaodi ba Meedi le Dihlahiswa tsa Naha, 1964
- Molao wa Lekgetho la Boleng bo Ekreditsweng, 1991,
- Molao wa Tsamaiso ya Lekgetho, 2011
- Molao wa ho Phahamiswa ha Phihlello ya Lesedi, 2000
- Molao wa ho Phahamiswa ha Taolo ya Toka wa 3, 2000
- Molao wa Tshireletso ya Lesedi la Motho wa 4, 2013

SARS e theilwe ho fihella **TSHEBETSO E INTSHANG SEHLABELO** ba ho aha mmuso o nang le bokgoni le o kgothaletsang kgolo e tswellang ya ikonomi mmoho le ntshetsopele ya setjhaba molemong wa Maafrikaborwa kaofela.

Ponelopele ya rona ke ho ba SARS e bohlale, ya sejwalejwale eo botshepehi ba yona bo sa belaelweng le e tleng ho hlomphuwa le ho tloltwa ke bohle.

Re hahamella ho fihella **maikemisetso a mawala** a ho ba le mokgwatshebetso wa lekgetho o thehilweng hodima **boikobelo ba tefo ya lekgetho ka boithaopi**, mme moo ho lokelang, ho phethahatsa sena ka boikarabelo le ntle le qeaqeo.

Ho tshehetsa Sepheo sa rona se Mawala, re na le **Maikemisetso a robong a Mawala**

- Ho fana ka tlhakisetso le tiisetso mabapi le boitlamo ba lekgetho
- Ho nolofaletsa balefalekgetho le bahwebi ho ikobela le ho phethahatsa boitlamo ba bona
- Ho thafalletsa le ho etsa hore ditjeo e be tse hodimo bakeng sa balefalekgetho le bahwebi ba sa batleng ho ikobela tefo ya lekgetho
- Ho sibolla sehlopha sa basebetsi se sebetsang ka thata, se fapaneng, se kgonang ho tenyetseha le se fadimehileng
- Ho atolosa tshebediso ya data ho ntlafatsa botshepehi, le ho fumana mahlale le ho ntlafatatsa diphetho
- Ho etsa hore mekgwatshebetso ya rona e be ya sejwalejwale hore e tle e fane ka ditshebeletso tsa dijithale le tse tjhorieng
- Ho kgothaletsa tshebediso e phethahetseng ya mehlodi hore ho tle ho be le diphetho tsa boleng le tshebetso e hlwahlwa
- Ho sebetsa mmoho le bakgathatema ho ntlafatsa mokgwatshebetso wa tsa lekgetho
- Ho kgutlisa tshepo ya setjhaba hodima mokgwatshebetso wa taolo ya lekgetho

Re le SARS re **kgolwa hore ka Boikobelo** re bolela hore bongata ba balefalekgetho ba a tshephala mme ba mpa ba ipatlela ho ho phethahatsa boitlamo ba bona ba tefo ya lekgetho ntle le ho imelwa ke sena le ho ba le ditjeo tse hodimo.

Ho phethahatswa ha mosebetsi wa SARS o ntlafatswa ke ho itshetleha ka makgabane ana a latelang:

- Ho se lobe letho ho tse mabapi le sephiri sa molefalekgetho
- Botshepehi bo sa belaetseng, boprefeshenale le ho hloka leeme
- Tshebeletso ya setjhaba eo e leng mohlala
- Ho fumana tsebo e sa belaetseng ho tswa ho data le bopaking

Ho fana ka tlhakisetso, phadimeho le ho nolofaletsa balefalekgetho ho ikobela, ho na le dipamphitshana le dibukana tse utlwisisehang ha bonolo tse ka fumanwang makaleng a rona le websaeteng ya SARS e leng www.sars.gov.za.

Ditokelo le Maitlamo a Molefalekgetho

O na le TOKELO ya:	O na le BOITLAMO ba:
<ul style="list-style-type: none">Tlhakisetso le tiisetso (ho tsebiswa) ka boitlamo ba hao ho SARSTshebeletso e hlwahlwa, ho sa natswe tsela ya puisano le SARS	<ul style="list-style-type: none">Dipuisano tsa ka nako, ho ingodisa le ho ikobela boitlamo ba hao ba molao
<ul style="list-style-type: none">Ho mamelwa, ho kenya ttlebo le ho kenya dikganyetsano tse tllang ho rarollwa ka nako	<ul style="list-style-type: none">Ho sebedisana ka botlalo le ho fana ka lesedi le nepahetseng, la nnete ka tsela ya diupisano ka dikanale tse sebetsang ka ho phethahala le tsa ka nako tse loketseng
<ul style="list-style-type: none">Ho sbeletswa ntle le tshabo, leeme, kapa ntle le ho inkela diqeto ke SARS ka tsela e sephiri, ho bapa le moralo wa tshebetso o amehang wa molao	<ul style="list-style-type: none">Ho fana ka ditokomane tsohle tsa tshehetso le lesedi ho bapa le dinako tse hlokehang, jwalokaha ho kopilweHo sebetsa ka botshepehi le ho hlompha mokgwatshebetso wa lekgethoHo thusa ho thibela ho se ikobele le ho tlaleha boqhekanyetsi ba lekgetho le ho se ikobele melao ya lekgetho
<ul style="list-style-type: none">Ho emelwa ke motho ya profeshenale	<ul style="list-style-type: none">Ho amohela boikarabelo ba hao le ho jara boikarabelo bakeng sa merero yohle ya hao ya lekgetho
<ul style="list-style-type: none">Ho hlomphuwa ke basebetsoi bohole ba SARS	<ul style="list-style-type: none">Ho hlompha mosebetsi o etswang ke basebetsi bohole ba SARS



1. Ho buisana le balefalekgetho

Ho fihlella ponelople ya rona ya ho ba SARS e bohlale le ya sejwalejwale, re na le palo e itseng ya dikanale tse fanang ka tharollo ya maemo a hodimo ya dipotso. Tsena di kentse:

- Dikanale tsa onlaene, tse fumanenang neng kapa neng, motshehare kapa bosiu. Re kgothaletsa balefalekgetho, bahwebi le ditsebi tsa lekgetho ho sebedisa dikanale tsena tsa onlaene tsa dijithale.
- Ketelo ya ofisi - etsa tlhophiso ya kopano pele;
- Letsetsa contact centre ya rona;
- Ikgethele di-helpdesk tseo o ka ithusang ka tsona

Ha nako e ntse e ya re batla ho eketsa tsela eo balefalekgetho ba buisanang le rona ka yona ka tsela ya dikanale tsa rona tsa dijithale ho netefatsa hore re rarolla dintho kapele, mme re kgone ho fokotsa tlhokeho ya hore batho ba kopane.

*Phumaneho ya dikanale tsa rona e tsebiswa ka tsela ya Websaete ya SARS le Makala.

Re tla ba le dinonyomaikutlo tsa ka mehla tsa dikarolo le maikutlo a setjhaba ka sepheo sa ho ntlafatsa tshebeletso ya dikhastamara.

Sepheo sa rona ke ho fana ka tshebeletso e hlwahlwa, ya ka nako, e thellang le e bonolo, mme re itlamme ho fihlella maemo a tshebeletso ho latela ka moo a hlahelang ka teng Tjhateng ena, mmoho le a hlahellang ka hara Moralo wa rona wa Selemo ka Seng wa Phethahatso ya Tshebetso.

Boitlamo ba Tshebeletso

{Dinako tse mabapi le maemo a tshebeletso di sebetswa ho tloha mohla ditokomane tsohle tsa tshehetso di fumangwang ka lona kanaleng e nepahetseng, ho sa akaretswa nako e nkuveng nakong eo ho emetsweng nyehelo ena ya ditokomane tsena tsa tshehetso. Botshopodi, jwalokaha bo akareditswe boitlamong bo mabapi le tharollo ya taba, bo ka nna ba batla nako e nngwe hape, bo lekanang le nako mmoho le halofo ya maemo ao re itlammeng ka ona a tshebeletso (mohlala: tshebeletso ya tlwaelo ke matsatsi a 10 a kgwebo, ke hore nako le halofo ke matsatsi a 15 a kgwebo).}

Ka dikanale tsa dijithale, re tla:

- Nnetefatsa hore ho sebetsa ha dikanale tsa rona tsa dijithale tse kang eFiling le MobiApp di dula di sebetsa ho latela
- 99.9 % ya bokgoni ba tsona ka lebaka la ditokiso tse tla beng di hlophisisitswe pejana.
- Ho etsa hore Lwazi (ChatBot), e fumanehe bakeng sa ditshebeletso tse ding, tsa ho kopa nomoro ya lekgetho, seteitemente sa akhaonto, oditi mmoho le maemo a pusetso.
- Ho fana ka tshebeletso ya SMS, eo hara tse ding e fanang ka ditshebeletso tse mabapi le, ho etsa ditlhopiso tsa kopano, dipotso tse mabapi le nomoro ya referense ya lekgetho, dipotso tse mabapi le nyehelo ya dikgutliso, balanse ya akhaonto, maemo a tlhekelo ya lekgetho le dipusetso.
- Ho fana ka mokgwatshebetso o bitswang Online Query System bakeng sa ho hlomathiswa ha ditokomane tsa tshehetso tse tllang ho tsamaya mmoho le nomoro e amehang ya nyewe.

Ka tshebediso ya dikanale tsa rona tseo o ka buisanang le tsona, re tla:

- Fana ka mokgwa wa eBooking wa tlhophiso ya dikopano tsa makaleng mmoho le ts ho se kopane sefahleho le sefahleho, ka tsela ya websaete ya SARS le/kapa SMS.
- Ho tiisa ditlhopiso tsa kopano tsa SMS tse 8 ho tse 10 nakong ya matsatsi a 3 a kgwebo.
- Ho etsa hore ho be le 90% ya tharollo ya dintho lekgetlo la pele ha o leba ho di-Contact Centre tsa rona.
- Ho sebetsana le ditlhopiso tsa kopano tse 9 ho tse 10 tsa makaleng, tsa di-MTU le tsa dintlha tse ka ntle tsa tshebeletso ka nako ya metsotsotso e 30 Diketelo dintlheng tsena tsa tshebeletso ntle le ho etsa tlhophiso ya kopano ha di a akaretswa boitlamong bona.
- Ho rarolla dikgokahanyo tse 9 ho tse 10 ka tsela ya kanale ya imeile e ikgethang matsatsing a 21 ka mora ho amohela lesedi le felletseng. Ebang sena se sa kgonahale, SARS e tla tsebisa mabaka a bakileng tiehiso.



2. BOINGODISO

Ha feela e le hore ditlhoko tsohle tsa boingodiso di kgotsofaditswe, re tla sebetsana le ho phethela:

- dikopo tsa boingodiso tsa elektronike (PIT, CIT, VAT, le PAYE) hanghang ha re fumana lesedi le felletseng le moo ho sa hlokeheng nnetefatso. Ebang sena se sa kgonahale, SARS e tla tsebisa molefalekgetho mabaka a tiehiso ena.
- Dikopo tse 9 ho tse 10 tse etswang ka matsoho, kapa tse batlang ho shebiswa, ho netefatswa le/kapa ho hlahljwa nakong ya matsatsi a 21 a kgwebo, ha ho tluwa ho mofuta ofe kapa ofe wa lekgetho. Ebang sena se sa kgonahale, SARS e tla tsebisa molefalekgetho mabaka a tiehiso ena.
- Dikopo tsa boingodiso ba Bolaodi ba Meedi tse 9 ho tse 10 nakong ya matsatsi a 5 a kgwebo, ha re fumana lesedi le felletseng le moo ho sa hlokeheng hlahlolo kapa bonto. Ebang sena se sa kgonahale, SARS e tla tsebisa molefalekgetho mabaka a tiehiso ena.
- Dikopo tsa laesense ya Bolaodi ba Meedi le Dihlahiswa tsa Naha tse 9 ho tse 10 nakong ya matsatsi a 21 a kgwebo (ho sa akaretswa nako ya ho sebetswa ha mohwebi) ha re fumana lesedi le felletseng le moo ho sa hlokeheng hlahlolo le/kapa bonto. Ebang sena se sa kgonahale, SARS e tla tsebisa molefalekgetho mabaka a tiehiso ena.



3. DIKGUTLISO

Re tla:

- Moo ho hlokeheng, re tla buisana le wena ka tsela ya SMS kapa imeile ho o hopotsa ka dinako tsa nyehelo.
- Neha molefalekgetho sephetho sa hlahlolo ka nako e ka tlase ho disekonto tse 5.



4. DITSEBAHATSO TSA BOLAODI BA MEEDI

Re tla:

- Ho phethela ditsebahatso tsa Bolaodi ba Meedi tse 9 ho tse 10 nakong ya dihora tse 4 ka mora ho di fumana.
- Moo ho hlokehang hlahlolo, dihoreng tse 48, ebang ho fanwe ka ditokomane tsohle tse kopilweng tsa tshehetso mme ho sa hlokahale lesedi le leng hape.



5. NNETEFATSO

Ebang o angwa ke nnetefatso, re tla phethela nnetefatso ya dikgutliso tsa boitlhahlolo kapa ya ditsebahatso tse 8 ho tse 10 matsatsing a 21 a kgwebo ho tloha mohla re amohelang ditokomane tse felletseng le tse nepahetseng, ntile le haeba o fane ka tsa dilemolemo moo boitlamo ba rona e leng matsatsi a 90 a kgwebo, ha ka yona nako eo re ntse re buisana le wena kgafetsa.



6. ODITI

Ebang o kgethetswe oditi, re tla:

- Phethela dioditi tse 9 ho tse 10 matsatsing a 90 a kgwebo ho tloha ka letsatsi leo ditokomane tsohle tse hlokehang tsa tshehetso di fumanweng ka lona di felletse ebole di nepahetse, ntile feela le ha ho entswe ditlhophiso tse ding tse ka thoko.
- Fana ka tlaleho ya kgatelopele ho latela tsebiso e amehang ya mmuso



7. DIPUSETSO

Lefa balefalekgetho ba 9 ho ba 10 dipusetso tsa bona dihoreng tse 72, ebang ho na le pusetso e fetang R100 eo o e kolutuwang, ebang

- dintlha tsa hao tsa banka di nepahetse
- o se na sekoloto kapa dikgutliso tse eso kgutliswe, mme
- ho se hlahlolo, nnetefatso kapa oditi e hlokehang kapa e seng e qadile.



8. DITEFO

Ha o etsa tefo ya nnete mme o sebedisa nomoro ya referense ya tefo e hlahisitsweng ke SARS, re tla:

- Sebetsana le ditefo tse 10 ho tse 10 matsatsing a 3 a kgwebo ka mora ho di fumana. Ebang sena se sa kgonehe, SARS e tla o tsebisa ka lebaka la tiehiso.
- Moo ebang molefalekgetho o lefilwe ka phoso, le moo ho se nang Nomoro ya Referense ya Tefo, e fosahetseng kapa e kileng ya sebediswa pejana, re tla sebetsana le tefo matsatsing a 21 ka mora kopo ya hore sena se hlophiswe botjha. Ebang sena se sa kgonahale, SARS e tla tsebisa molefalekgetho mabaka a tiehiso ena.



9. SEKOLOTO

Ho behellwa morao ha tefo

Ha o etsa kopo ya ho behellwa morao ha tefo (ho sa akaretswa ho phethahatswa ha sekoloto seo a hanyetsanang le sona hobane sena hangata se nka nako e telele), mme ditlhoko tsohle tsa molao di kgotsofaditswe, re tla shevana le ho etsa qeto dikopong tsa ho behellwa morao tse 8 ho tse 10 matsatsing a 21 a kgwebo ka mora ho fumana ditokomane tsa tshehetso tse felletseng, ebang ho sa hlokahale dipuisano tse ding.

Phanyeho ya tefo

Ha o etsa kopo ya phanyeho ya tefo (SOP), mme ditlhoko tsohle di kgotsofaditswe, re tla o tsebisa ka qeto ya rona dikopong tsa nnete tsa SOP tse 6 ho tse 10 matsatsing a 30 a kgwebo ka mora ho fumana ditokomane tsa tshehetso tse felletseng le tse nepahetseng.

Re keke ra nka mehato efe kapa efe ya pokello ho tloha mohla o kentseng kopo ya nnete ya ho fanyehwa ha tefo, ho fihlela ho feta matsatsi a 10 ka mora hore e o tsebiswe hore kopo eo e hannwe, kapa ka mora hore o fumane tsebiso e bolelang hore phanyeho e neng e se e tjhaetswe monwana ya tefo e se e hutsw. Ho sebetsa sena se ka hodimo, ntle feela le haeba ho na le mohopolo o kgolwehang wa hore ho na le kotsi ya tshebediso e mpe ya thepa.

Tjhebisano ya sekoloto

Ebang o kopa boineelo/tjhebisano ya sekoloto mme ditlhoko tsohle di kgotsofaditswe, re tla tsitlallela ho sheba le taba ka nngwe ho latela ka moo e leng ka teng le ho latela kotsi e tsamaisanang le yona, ka tsela ya motjha wa taolo, matsatsing a 90, le ho fana ka boemo ba ditaba kapa tse ntjhantjha tse mabapi le kopo. Ebang ho hlokeha nako ya tlatsetso, re tla buisana le molefalekgetho ka sena.



10. DIKGANYETSANO HO LATELA MOLAO WA TSAMAISO YA LEKGETHO

Kopo ya Tokiso

Ebang o elellwa hore e entse phoso ha o ne o tlatsa kgutliso ya hao, motjha wa Kopo ya Tokiso (RFC) o tla o dumella ho lokisa kgutliso/tsebahatso eo o nehelaneng ka yona pejana.

RFC e keke ya dumellwa boemong bo latelang:

Moo nyewe ya oditi kapa ya nnetefatso e ileng ya phethelwa kapa moo mosebedisi wa SARS a entseng tekolobotjha ya tsebahatso teng. O tla lokela hore o emele sephetho hore o tle o tsebe ho latela motjha wa kganyetsano.

Moo SARS e sa dumellaneng le kopo ya hao, o na le tokelo ya ho sebedisa metjha ya tharollo ya kganyetsano (Ngongoreho, Boipiletso le Tharollo e ka Thoko ya Kganyetsano), ho bapa le dinako tse behilweng tse amang SARS le molefalekgetho.

Dikopo tsa Mabaka, Dingongoreho, Boipiletso

Ntle feela le haeba ho ne ho dumellanwe ka mokgwa o mong, le moo ho se nang mabaka a ikgethang a bakang hore ho be le katoloso ya nako ya ho araba, re tla tsitlallela:

- Ho fana ka mabaka dinyeweng tse 9 ho tse 10 matsatsing a 45 a kgwebo ho tloha mohla re neng re amohela kopo.
- Ho etsa qeto dingongorehong tse 7 ho tse 10 matsatsing a 60 a kgwebo ho tloha mohla ho neng ho kenngwa ngongoreho.
- Ho etsa qeto ka hore na nyewe e loketse ho ya ho Tharollo e ka Thoko ya Kganyetsano (ADR) matsatsing a 7 ho a 10 a dikopo tsa ADR le ho o tsebisa ka sena matsatsing a 30 a kgwebo ka mora ho fumana kopo.
- Ho phethela metjha e 5 ho e 10 ya ADR matsatsing a 90 a kgwebo ho tloha mohla ADR e neng e qala, kapa ho bapa le nako e nngwe ho ya ka moo ho tla beng ho dumellanwe ka teng le SARS.
- Ebang SARS e sa dumellane le boipiletso, kapa ebang ho se tumellano e fihlellwang ka mora hore ho be le Tharollo e ka Thoko ya Kganyetsano, molefalekgetho o bolokolohing ba ho fana ka tsebiso Botong ya Lekgetho hore taba ena ya hae ya lekgetho e ke e lekolwe hape.



11. DIKGANYETSANO HO LATELA MOLAO WA BOLAODI BA MEEDI LE DIHLAHISWA TSA NAHA

O na le tokelo ya ho hanyetsana le SARS le ho kenya boipiletso mme o ipiletsse kgahlano le diphetho tsa tsebahatso le/kapa diqeto tsa hlwailweng tsa molao ho bapa le dinako tse behilweng. Ho phethahatsa sena, re tla:

- Tsebisa baipiletsi ba 9 ho ba 10 matsatsing a 10 ka sephetho
- sa boipiletso ba bona ho komiti ya ka hare ya boipiletso ya SARS.
- Rarolla boipiletso bo 9 ho bo 10 matsatsing a 60 a kgwebo (ho sa akaretswa dinyewe tse tshopodi kapa dinyewe tse hlokang molao kapa thuso e ikgethang)
- Ho etsa qeto ka hore na nyewe e loketse ho ya ho Tharollo e ka Thoko ya Kganyetsano (ADR) matsatsing a 9 ho a 10 a dikopo tsa ADR le ho o tsebisa ka sena matsatsing a 20 a kgwebo ka mora ho fumana kopo.
- Ho phethela metjha e 9 ho e 10 ya ADR matsatsing a 90 a kgwebo ka mora hore moipiletsi a tsebiswe hore taba e feela e loketse ADR (ntle feela le ha nako e atolositswe).



12. MAEMO A TLHEKELO YA LEKGETHO

Re tla arabela maemo afe kapa afe a phephetsang tlhekelo ya lekgetho a 9 ho a 10 matsatsing a 5 a kgwebo.



13. LENANEO LA TSHENOLO YA TSOHLE KA BOITHAOPI

Moo SARS e hlokang ho shebana le kopo ya tshenolo ka boithaopi, re tla:

- Ananela dikopo tse 9 ho tse 10 matsatsing a 30 a kgwebo ka mora ho di fumana.
- Phethela dikopo tse 9 ho tse 10 matsatsing a 90 a kgwebo ho tloha ka letsatsi leo ditokomane tsohle tse kopilweng tsa tshehetso di amohetsweng ka lona, ntle feela le ha ho ne ho entswe ditlhophphiso tse ding. Ebang re sa kgone ho phethela sena, SARS e tla tsebisa molefalekgetho ka lebaka la tiehiso ena.



14. HO HLOLEHA HA TSHEBELETSO

SARS e etsa tsohle tse matleng a yona le tse bokgonging ba yona ho fana ka tshebeletso ya maemo a hodimo le ho qoba kapa ho fedisa ho hloleha ha tshebeletso moo ho kgonehang teng. Ka lebaka la ho shebana le mothamo o moholo wa ditranekshene, dikopo le dipuisano le balefalekgetho, ho na le kgonahalo ya hore tsohle di ka se etsahale ka tsela e tlang ho kgotsofatsa mekga kaofela. Kahoo, SARS e kgolwa le ho ananelo hore ttlelobo e le nngwe e emela tse ngata mme e lokela ho rarollwa.

O ka re thusa ka ho re bolella hore o nahana eng ka tshebeletso ya rona. Moo dintho di fosahetseng teng, re batla ho o lokisetra tsona, ho ithuta ho tswa phosong eo re e entseng, le ho netefatsa hore ha re phethe phoso eo hape.

Ho hloheha ha ditshebeletso tsa mantlha tsa mofuta ofe kapa ofe di lokela ho tlalehwa ho moemedi.mohlanka, motsamaisi wa tsa tshebetso le/kapa motsamaisi wa lekala / setsi hore ho tle ho fihlellwe tharollo.

*Diofisi tsa SARS di fana ka dintlha tsa boikopanyi tsa motsamaisi ya ikarabellang.

Ebang o sa kgotsofalla sephetho, o ka fetisetsa taba ya hao pele ho latela ka moo ho bontshitsweng kateng ka tlase ka mona:

O ka kenya ttlebo ho SARS ka mokgwa ona:

- SARS eFiling ho www.sarsfiling.co.za
- SARS Contact Centre ho 0800 00 7277.
- Botsamaisi ba Dittlebo ba SARS ho 0860 12 12 16
- Lekaleng la SARS ka ho etsa tlhophiso ya kopano

Moo ho kentsweng ttlebo ka tshebediso ya dikanale tsena tse ka hodimo, mme e tshehedswe ke nomoro ya nyewe, re tla:

- Rarolla dittlebo tse 8 ho tse 10 matsatsing a 21 a kgwebo. Ebang re sa kgone ho phethela taba, SARS e tla tsebisa molefalekgetho ka mabaka a tiehiso ena.



15. DITLELLEBO TSE LEBANG HO MONAMODI WA TSA LEKGETHO

Re ikemiseditse ho rarolla taba efe kapa efe eo o nang le yona le rona, ka ho fana ka tshebeletso e tobaneng le wena feela, tlhakisetso, le netefaletso mabapi le ditokelo tsa hao tsa taolo mmoho le boitlamo ba hao jwalo ka molefalekgetho kapa mohwebi. Ebang sena se hloleha, o ka kopa hore Ofisi ya Monamodi wa tsa Lekgetho e kene dipakeng. Ho phethahatsa sena, re tla:

- Rarolla dittlebo tsa nnete tse 5 ho tse 10 tse nyehetsweng Ofising ya Monamodi wa tsa Lekgetho matsatsing a 15 a kgwebo.

Ttlebo e lebang ho Monamodi wa tsa Lekgetho e ka kenngwa ka tsela ya dikanale tsena tse latelang:

- Toll-free call centre: 0800 662 837
- Mohala: +27 12 431 9105
- Imeile: complaints@taxombud.gov.za



16. TLALEHO YA MANYOFONYOFO

16.1 Kastle - ho hlabo mokgosi

O ka tlaleha ketsahalo efe kapa efe e belaetsang ka tsela ya kanale e ka tlase mona: <https://secure.sarsfiling.co.za/AdHocCaseSourcing>

SARS e ikemiseditse ho nka mehato e matla kgahlano le diketsahalo dife kapa dife tse mabapi le boqhekanyetsi ba lekgetho, le ha ho le jwalo, merero ya lekgetho ke sephiri mme ha ho tlaleho e ka fuwang ya hlabang mokgosi ho latela dintlha tsa Karolo ya 68 le 69 ya Molao wa Tsamaiso ya Lekgetho.

Le ha ho le jwalo, re tla ananela ho tlalehwa ha ketsahalo efe kapa efe e belaetsang kapa taba e seng molaong eo re ka e tlalehelwang

16.2 Kahare

Re lomahantse meno ho ba le tikoloho e se nang manyofonyofo ho pharalla le ketshalo kapa mosebetsi oo re o etsang. O na le tokelo ya ho re tlalehela ketsahalo ya manyofonyofo afe kapa afe (kapa ketsahalo e belaetsang ya manyofonyofo), mme re o kopa hore o etse jwalo, ka ho ipolela kapa ka ho se ipolele hore o na o mang. Re na le dikanale tse pedi bakeng sa sena, e leng:

Tlaleha manyofonyofo ho: anti-corruption@sars.gov.za

Hotline: 0800 00 2870

Lesedi le fetang lena le boela le fumaneha websaeteng ya SARS e leng www.sars.gov.za
Re sale morao ho: "@sarstax" ho Facebook, LinkedIn, le ho Twitter.

South African Revenue Service - Service Charter

Produced by SARS Communication 2023



South African Revenue Service